

Presoak Iruñean biltzeko gestioak egin dituela ziurtatu du Allik

Arantzazuko baraualdiko partaideei erantzun die beste gutun batean

Arantzazuko baraualdian parte hartzen ari direnek herenegun helarazi zioten gutunari laster erantzun dio Juan Cruz Alli Nafarroako lehendakariak beste gutun baten bidez. Preso nafarrak Iruñera ekartzeko gestioak egin dituela baina horren gaineko eskumena Estatuari dagokiola ziurtatu du Allik.

IRUÑEA

Arantzazuko baraualdian parte hartzen ari diren 700 pertsonen ordezkariak bik Nafarroako Gobernuaren eta Jaurlaritzaren egoitzetara jo zuten herenegun goizean, Juan Cruz Alli eta Jose Antonio Ardanza lehendakariak gutun bana eskura emateko asmoz. Alli bilduta zegoela eta, Gabineteko buruari eman behar izan zioten, lehendakariari helaraz ziezaion. Gutunean preso nafarrak Iruñeko kartzelan biltzearen alde emandako hitza betetzea eskatzen zioten Arantzazukoek Alliri, eta Gobernu zentralaren espetze politika babestea leporatzen zioten.

Nafarroako lehendakariak gutuna igorri zien atzo Arantzazuko grebariei, hauen idazkian jasotako kritikei erantzuteko eta «bateret zuzenak ez ziren apreziazioak» argitzeko.

Allik bere egiten du presoaren egoerarekiko Arantzazuko grebariek azalduko kezka. «Gizakiaren duintasunak umiliaziorik eta laidorik gabeko tratua exigitzen duenez, behartuta nago oi-



Alli De la Cuadra Justizia ministro ohiairekin.

EFE

naze fisiko edo moralak jasaten dituztenekiko eta beren familiekiko interesa agertzerak, eta uste dut denon artean herritar guztien, presoak barne, giza eskubideak baieztatzeak eta bermatzeko urratsak eman behar ditugula», dio gutunean. Presoek hain zuzen, «askatasuna galdu arren, herritarrei dagozkien eskubide berberak dituzte, eta beraiekiko saihestezinezko beharrak dituzte gizarteak eta botere publikoek», Alliren esanetan.

Zentzu horretan, preso nafarrak Iruñera ekar ditzaten Justizia Ministerioaren aurrean gestioak egin dituela ziurtatu die Allik Arantzazukoek, eta horren frogagisa, gutunarekin batera, 1992ko uztailaren lehen Tomas de la Quadra-Salcedo orduko Justizia ministroari, HBk eskatuta, igorritako karta helarazi die. Allik gogorarazi dienez, berriz, espetze arloko kompetentzia Estatuari dagokio «eta zenbait autonomi

elkartek espetxeetako baliabide material eta giza baliabideen gaineko eskumena eskuratu arren, ez genuke espetze erregimena eskuratuko, botere judizial eta Administrazioaren esku dagoelako».

Hau dela eta, arduragabeke-riaz jokatu izanaren akusazioa ukatu egin du Allik: «Gure esku zeuden baliabide guztiak jarri ditugu sinesten dugun helburua lortzeko, baina kompetentziarik ez izateak helburu horiek lortzeko ahalmena mugatzen digu».

Autokritikarako eta okerrak aitortzeko gaitasuna eskatu die Arantzazukoek, eta kritikak eta baieztapenak egiterakoan zorroztasun gehiago izatea gomendatu die. Halaber, baraualdia dela eta, zalantzak agertu ditu «pertsona batzuen sufrimendua ez ote den tresna gisa erabiltzen ari, haien egoera lazgarria gainditzea ez den bestelako helburua lortzeko».

erreibindikazioa nahastuko ditu. Arlo festiboan Unai Iturriaga, Jon Sarasua, Estitxu Arozena, Xabier Amuriza eta Jon Maia bertsolariak, eta Patxi Saiz eta Anje Duhalde kantariak hartuko dute parte. Arantzazuko baraualdian parte hartzen ari direnen ordezkarien eta AABetako kideen hitzaldiak osatuko dute arlo politikoa. Sarrera dohainik izango da, barruan ikusleen artean dirua bilduko bada ere.

Aitor Jugo AABetako Bizkai-ko koordinatzaileak oso positibotzat jo zuen azken mobilizazioen —olentzeroak, martxak kartzetara, manifestaldiak...— «arrakasta». Arantzazuko baraualdiari dagokionez, gizartearen izan duen oihartzuna azpimarratu zuen, 5.000tik gora baitira

presoekiko elkartasuna adierazteko joandako pertsonen bisitak.

Hori dela eta, «espetxe politika aldatzeko beharrezkoa den presio soziala sortzeko bidean» daudela uste dute AABek. Alajaina, «irtenbide orokorra eta politika» exigitzen dute euskal preso politiko, deportatu eta errefuxiatuentzat. Jugoren hitzetan, gaur egun «inoiz baino beharrezkoago ageri da amnistia, bake-rako baldintza ebitea da eta inork ez du pentsatu behar preso politikoak izanda bakea lortuko dela».

Mobilizazioek komunikabideetan jasan duten «isiltasun informatiboaren» gainetik, «isiltasunaren harresia apurtzea eta presoekiko elkartasuna adieraztea lortu da», Jugok adierazi duenez.

«Bakea urruntzea» egotzi diete komunikabideei Arantzazukoek

DONOSTIA

Arantzazun presoekiko elkartasunez baraualdia egiten ari direnek komunikabideei zuzendutako agiria zabaldu zuten atzo, ETBk Iurretan duen egoitzara egin zuten bisitaldian. Komunikabideen jokabideak «bakea urruntzen» duela iritzi diote aipatu agirian.

Komunikabideen zereginari buruzko gogoeta batzuk biltzen dituen agiria ETBn zabaldu nahi izan zuten Arantzazuko baraualdiko ordezkariak «komunikabide publiko handiena» delako. Zuzendariarekin hitz egiteko asmoa bazuten ere, Itziar Mena informazio zerbitzuen ardura-dunarekin elkarrizketatu ziren. Aukera aprobetxaturik, Arantzazuko ekimenari buruz ETBk zergatik ematen duen hain informazio gutxi galdetu zioten Itziar Menari. Honen erantzuna, barauldikoek prentsa ohar baten bidez jakinarazi dutenez, erabakia editoreek hartzen dutela eta beraiei dagokiela erantzukizuna izan da. ETBkoen asmoa ez dela inor isiltzea eta bakearen aldeko bidean daudela gaineratu zien informazio alorreko buruak.

Arantzazun baraualdian dauden iritzia kritikoa da oso komunikabideen jokabidearekiko. «Adiskidetasunez

diotsuegu baino tinko, ez dugula uste inolaz ere giza eskubideekiko dagokizuenarekin betetzen duzenik ikus-entzunezko, idatzizko eta ahoko komunikabideek; sarritan alderantzizkoa egiten duzue, eta gehienetan entzungor», salatu dute.

«Ez al zarete konturatzen, zuen kode deontologikoa lurperatzen duen jokaera horrekin, bakea urruntzen duzuela Euskal Herriak? Informazioak ezin du ideologiarik izan, iritziak bai, zergatik nahasten dituzue?», adierazi dute atzo zabalduetako agirian.

ZINTZO JOKATZEKO DEIA «Zintzo» jokatzeko deia egin diete komunikabideei, «eta egizue politika nahi baduzue, baina informazioarekin ez».

Gertaerei ematen zaien lekuaz kezkatuta agertu dira aipatu agirian. «Zergatik ematen diozue hainbesteko lekua 500 lagunekiko giza kate frustatu bati eta hain gutxi edo deusik ez torturaren lekutasunei, presoaren kontrako jipoi basatiei, funtzionari publikoen ezlegezko jokaerei?», galdetu dute. «Zergatik Arantzazuko ekimen hau bera ere isildu? Non ikusi duzue bada, ehundaka pertsona giza eskubideen alde sei eguneko baraua egiten? Hau ez al da notizia?», nabarmendu dute.

Burgosko espetxeko presoek ETaren estrategia babestu dute

DONOSTIA

Burgosko espetxean dauden hamazazpi presoek ETaren ildo estrategikoa babestu dute «Egin» egunkariari bidalitako gutun baten bidez. Idazki horren bidez, joan den astean SER irrati kateak eta beste zenbait komunikabidek zabaldu zuten baieztapen batzuk ezeztatu nahi izan dute. Izan ere, SER kateak Burgosko espetxean dauden bost presoaren izenak aipatu zituen «armak uztearen aldekoak» zirela esanez. Aipatutakoak Antton Lopez Ruiz 'Kubati', Jose Miguel Latasa Getaria, Jose Luis Artola Amenza, Felix Bengoa eta Jose Antonio Torre Altonaga 'Medius' izan ziren. Bost hauek eta gainontzeko hamabi presoek ukatu egiten dute «inongo sektore disidenteko kide» direla, alderantziz baizik; «ETaren ildo estrategikoaren babesa berresten dugu, baita Euskal Nazio Askapenerako Mugimenduen borroka ere».

Baieztapen horren ondoren komunikabideei dei egin diete espetzeak bisitatzeke adieraz-

ten dutena egiaztatu ahal izateko. «Esandakoa berresteko dei egiten diogu edozein komunikabideri Burgosko espetxea bisitatzeke, zuzenean jakin ahal izateko zein den gure jarrera politikoa, eta ez Justizia edo Barne ministerioen bidez», adierazi dute.

Azkenik, engainuaren erabilera kaltegarria dela gogorarazten diete komunikabideei: «Komunikabide horiei eta beren arduradunei gogorarazten diegu gatazka politikoek konpontzeko neurri politikoak behar dituztela, eta manipulazioak eta engainuak konponbidea atzeratu baizik ez dutela egiten».

Aipatutako bost presoekin batera, honako hauek izenpetu dute idazkia: Jose Maria Zubiaurre Portugal, Fernando Etxegarai Gaztearena, Patxi Eskitzabel Etxebarria, Carlos Recio Gutierrez, Txema Malillos Zabala, Kepa Aldazuri Santoio, Joxe Gomez Fernandez, Emilio Palacios Aldai, Juan Miguel Apeztegi Arozena, Luis Pastor Landa, Jose Antonio Arluziaga Iribar eta Angel Montes Olivenza.

Amnistiaren aldeko ekitaldia

J.E. / DONOSTIA

■ Azken asteotan euskal presoaren giza eskubideen defentsan eta Euskal Herrian biltzea eskatuz egindako mobilizazio kanpainari amaiera emateko, amnistiaren aldeko jai ekitaldi nazionala antolatu dute Amnistiaren Aldeko Batzordeek datorren igandarako Donostiako Anoetako belodromoan. Mikel Korta AABetako bozeramaileak atzo adierazi zuenez, kanpainaren «kolofoi duina izatea nahi dugu bai koantitatiboki, mobilizatu diren milaka pertsonak ordezkatuak izan daitezten, bai koalitatiboki, Arantzazun baraualdian dauden 716 pertsonen ahalegina jaso dezan».

Ekitaldia arratsaldeko bost terdietan hasiko da eta jaia eta